



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

L. Samsonis Decora.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

ambus, & catenis Philisthini Proceres, Samsonem; nec quicquam veteres pugnas spirantem, aggrediuntur; comprehensum arctissime, tumultuosè vincunt: constrictumque, nec jam ulla sui parte repugnare validum, crudelibus cultris exoculant: ac pretiò perfidiæ muliebri persolutò, (quinque millia & quingenti erant argentei, seu sicli, quorum singuli sedecim sestertijs æstimantur) captivum in triumpho, *Gazam* urbem perducunt. Ibi reclusus in carcerem, & duabus revinctus catenis, trusatilem versare molam cogitur, adjunctò puerò, qui mancipium ad assiduum laborem Sannis, dictarijs, amaris exprobrationibus; flagris etiam, & verberibus adigebat, victum ac fontanam arctè, tenuiterque præbens. Samson Numinis vindictam agnoscens, & admissorum pœnitens, cum oculis iam non posset, animo lacrimabatur: quare Divina liberalitate, in gratiam recepto, cum coma sensim crescente, redijt & *gratuitum* roboris antiqui donum, cuius periculum faciendi non ita multò post, præclara se obtulit opportunitas. Audiet tamen omnis retrò posteritas, eum, qui leones nuper straverat, à lupa tandem fuisse prostratum.

NARRATIO L.

SAMSONIS GLO-
RIOSUS OCCASUS.

Anno Mundi 2899. Ante Christum 1154.

CUm Samson aliquamultum jam temporis in ferro, vinculisque, solis ac lucis expertus ageret, & calamitatis illius ac molæ famalate sparsa esset; Philisthinos optimates cum Populo, cupido incessit, fructum aliquem, ac voluptatem ex hostium suorum Ductore cæco, molentéque capiendi. Incidit igitur, ipso temporis processu Solemnior Sacrorum dies, à Gazæis victimarum, ludorúmque cæremonijs anniversarijs, magnificentiùs exigendus. Is autem dies, & ea celebritas *Dagonis* honori, Philisthæorum Idolo, debebatur; in cuius Fani, amplitudine, structura, capacitate cultorum magnificentissimi, solò tectò, more Syrorum planò, (unde liber in interiora templi despectus) tria circiter mortalium millia, stationes ac loca ad spectaculum habebant. Tanta hominum multitudine gravata moles ædificij superior, ne detrueretur in præceps, duæ faciebant potissimum è marmore columnæ, quæ mediò basilicæ spatiò non ita magno distantes, firmitate sua Fani totius pondus sustinebant: At inferiùs per templi subsellia, quinque Philisthinorum Satrapæ cum suis familijs & comitatu; per reliquum autem loci spatium, Sacrificuli, Popæ, Sacrorum Ministri, cives, advenæ condebant. Omnes hi victimis intenti, *Dagonis*que superstitioso cultui: confusis in unum vocibus, atque carminibus *Dagonem*, Ter optimum Maximumque Numen suum laudibus efferebant; & inter ea mactabant, adolebant, libabant; ac cyathis operam, lancibusque dabant.

Jámque finem mensis saturitas ac vinolentia fecerant; cum primò Princeps, mox temulentissimus quis-

quisque Samsonem postulant accersiri, qui ludat, & deliciasque saltatione faciat. Adducitur exsolutis tantisper catenam manibus ac pedibus; & medio duntaxat corpore, lumborum tenus, revinctus; pueri ductu, qui caecum nunc agens ante se, mulionis more: nunc post se trahens à crasso fune: spatia deambulationis aliàs laxabat in libertatem; aliàs arctabat in servitutis recordationem. Ad Summam! tanquam passerem è funiculo lascivientes adolescentuli; Sic mediastinus iste tractabat hominem, Heroëm illum, jam muscã contemptiorem.

Ut primùm igitur in conspectum theatri, templumque venit Samson: multitudo, quæ Fanum repleverat, ex omnibus undique loci partibus strepere pedibus, complodere manus; ore sibilos & clamores in altum tollere; denique signis omnibus effusæ gratulationis habitum, ac lætitiæ declarare magnitudinem, quam ex hostis sui præsentibus ærumnis haurirent. Simul imperiò Magistratùs, ac præconis voce, silentiò factò; consistere Samson inter duas illas columnas jubetur: & Senatui, Populòque Gazensium, omnique nomini Philisthino ludos atque delicias facere. Quæ cum invictissimã patientiã Samson devoraret; ac pœnam etiã istam erroribus suis irrogari meritò, persuasum haberet: injectit ei mentem DEUS, quibus modis tandem, & se malis suis expediret, & gentem nequam debitis cladibus implicaret. Animum adverterat, cum inter saltandum, contumelijs, labore manuum, motu pedum, ac totius corporis agitatione fatigatus, in pilas marmoreas aliquoties, ingenti cum cachinno spectantium, impingeret, pilaseas inter se,

se, pedes admodum paucos distare, quas proinde contracturum se brachijs simul ambobus non desperaret. Incitatus igitur non tam sui, quam honoris divini, suæque gentis in libertatem vindicandæ cupidine gloriosa; sentiensque pristinam fortitudinem cum renatis sibi capillis renatam esse, utrique columnarum manus fessas, & caput applicat, permittente puero, nec invitis spectatoribus. In auxilium inde DEO vocatô, dum creditur ad ludicrum captum rediturus, manuum ambarum, & humerorum, ac totius corporis omni conatu, columnas aggressus, succussione ter quaterque repetita, terribiles inter fragores, columnas, tabulata, tectum, Solarium, omnemque templi molem, in vestigio temporis trahit in ruinam. Simul & quidquid Cætorum Spectatorum aderat, Populus, Proceres, viri, fæminæque cum clamoribus horrendis, confusa, pereuntisque multitudinis, unum omnes in cumulum sternuntur, oppressisque jacent. Cum his & Samson, benè secum feliciterque ratus actum; quod, quantô nullus veterum Heroum, sepulchrô tectus esset, tantô constratus ipse requiesceret: quippe totius Palæstinæ ruinâ contumulatus. Sunt, qui præter illa tria millia, de suprema templi parte devoluta, asserunt vigesies mille homines per inferiora subsellia & stationes fani dispositos, ea strage occubuisse. Potuerunt tum Judæi, si viri fuissent, & jugum servitutis Philistinæ à se excutere, & armata manu hostium metu consternatorum provinciam occupare. Cæterùm cum Samson ab Apostolo ad Heb. 11. inter Cœlites memoretur, minimè dubitandum est, heroëm eo facinore, ipsi à DEO

DEO, inspirato, mortis pro salute publica, Numinisque honore fortiter contemptæ, virtutis arduæ strenuè probatæ, vindictæ de hostibus justissimè sumptæ, gloriosam æternamque memoriam promeritum, suò, ut Ambrosius loquitur, triumphò tectum, tumulatúmque fuisse. Occidit ætatis anno trigesimo nono, Præturæ vicesimo. Corpus à cognatis, cum bona Gazæorum, graviora mentuentium, veniâ, avito sepulchro illatum est.

NARRATIO LI.

CLADESHELIS, PONTIFICIS ET PRÆTORIS HEBRÆI, EIUSQUE FILIORUM, JUDÆORUM, PHILISTÆORUM.

Lib. I, Reg, cap. 2. 4. 5. Anno Mundi 2907. 2939. Ante Chr. 1146. 1114.

Leventior filiorum educatio, & disciplinæ neglectus parentes facit authores non vitæ sed mortis. In Hebræorum Judiciaria Præfectura Samsoni successit *Helis*, Pontifex supremus, primus ex Ithamaris, qui frater erat Aaronis, familia. Fuerunt ei filij duo *Ophnis* & *Phineas*, paterni Pontificatus, (quia deflexis in senium annis, ipse minùs ad omnia Sacerdotij supremi munia vigeat) officijque Sacerdotalis adjutores; homines improbi, & Sacrorum ignorantes; qui & multitudinem, *Silonte* seu *Silo* (urbe, in altissimo monte sita, haud amplius octo pas-

O s

pas-